



Centro Nacional Chega!.I.P

Da Memória à Esperança



KOMUNIKADU IMPRENSA

Centro Chega!.I.P Liu Husi CYA Organiza Atividade Chega! School Visit, Iha Ámbitu Selebrasaun 20 de Maio 2002 Ba Dala-24.

(Díli, 14 Maiu 2026) - Centro Nacional Chega!.I.P liu husi programa Chega! Young Ambassador (CYA) servisu hamutuk ho Faculdade Economia e Gestão (FEG) – Universidade Nasional Timor Lorosa'e (UNTL) organiza atividade **Chega! School Visit** ho tema "**Juventude Tenke Hatene no Valoriza Istória Pasadu Hodi Kontinua Luta ba Libertasaun Povu**". Atividade ne'e hala'o iha ámbitu Selebrasaun Aniversáriu Ioron Restaurasaun Independência Timor-Leste 20 de Maio 2002 ba dala-24, ne'ebé realiza iha Auditoriu FEG – UNTL.

Objetivu husi atividade ne'e mak atu halibur estudante universitariu sira hodi diskuti hamutuk kona-ba istória, Memoria Pasadu no Mekanismu ba Prevençsaun Konfliktu no Rezolusaun Dame iha Timor-Leste. Objetivu seluk mak nu'udar oportunidade di'ak no fo espasu ba estudante no juventude sira atu melloria sira nian koñesimentu kona-ba istória pasadu Timor-Leste nian no preserva ba futuru ne'ebe mai.

Atividade ne'e hala'o parte ida atu konsientiza, eduka no inspira estudante sira liu-husi atividade **Chega! School Visit** hodi sira komprende kona-ba istória, Memoria Pasadu no Mekanismu ba Prevençsaun Konfliktu no Rezolusaun Dame iha Timor-Leste no mos dezenvolve sira nia pensamentu kritiku hodi hamosu dialógu interativu ho estudantes sira atu nune'e bele kontribuí ba prevençsaun konfliktu no rezolusaun dame hodi minimiza aktu violasaun no respeita, sensibilidade no valóriza valór direitus umanus iha estadu ida ne'e no mós mundial.

Atividade ne'e hala'o hodi hatan ba Nota Konseitu "Memórializasaun integradu" liu-liu atu prezerva memória istóricu liu husi peskiza, arkiva no dizemina narrativa sira ba públiku tantu direita no mos indireita.

Rezultadu espetativa husi atividade ne'e mak hanesan, Juventude no estudantes universitariu sira hatene ona sa mak CNC!.I.P halo perante nia ezistencia no komprende ona istória pasadu kona-ba prosesu luta libertasaun independensia Timor-Leste husi tinan 1974-1999. Foinsa'e bele konsiente no komprende ona tipu no aktus violasaun direitu umanus ne'ebe mak akontese iha tempu ne'eba kruek nu'udar aksaun ida ne'ebé mak ladiak. Foinsa'e sira bele sensível ba iha terus no susar luta nain sira-nian hodi respeita norma no oinsá atu valóriza direitus umanus hodi kotribui ba paz no estabilidade iha Timor-Leste.

Entertantu, atividade hirak ne'e hala'o hodi hatan ba mandatu Centro Nacional Chega! I.P nian ho baze ba dekretu lei Nu. 48/2016 ho vizaun atu harii Sosiedade ida ne'ebé mak inkluzivu, la repete istória passadu nian, moris iha dame, no respeitu direitus umanus. Centro Chega! ninia misaun mak atu harii Centru ba Poz-konfliktu ne'ebé prezerva memória pasadu hodi promove direitu no valór umanu no harii parseria nasional no mos internasionál hodi reforsa servisu sira ba implementa rekomendasaun sira Relatório Final "Comissao de Acolhimento, Verdade e

Reconciliação (CAVR)- Chega! Comissão da Verdade e Amizade (CVA)- Per Memórias Ad Spem, sira ne'ebé relevante.

- Remata -

Ba informasaun liu tan kontaktu:

Raimundo Sarmiento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabese ho deketu Lei n.º. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeito ba direitos umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitos no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatóriu Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".

Obrigadu!